

Iluarsiissut

Siunnersuut 7. november 2024-meersoq taarserpaa (Inatsilerinermi teknikikkut kukkuneriuinertigullu naqqiisoqarpoq, inatsimmilu allassimasuni iluarsiinerit kingunerisaannik iluarsiisoqarluni)

Allannguutissatut siunnersuut

uunga

Uunga siunnersuut: Piniarneq aallaaniarnerlu pillugit Inatsisartut inatsisaata allanngortinnissaa pillugu Inatsisartut inatsisaat

Aappassaaneerneqarnissaanut Naalakkersuisunit saqqummiunneqarpoq:

§ 1

1. § 1, nr. 1-imi, § 16 a imatut oqaasertalerneqarpoq:

"§ 16 a. Inuit Kalaallit Nunaanni akiliisitsilluni aallaaniarnermik aaqquissuussisartut nammineersinnaassuseqassapput aamma:

- 1) Kalaallit Nunaanni inuiaqatigiinnut aalajangersimasumik attuumassuteqassapput,
- 2) ukiuni kingullerni tallimani Kalaallit Nunaanni aalajangersimasumik najugaqarsimassallutik,
- 3) ukiuni kingullerni tallimani Kalaallit Nunaanni tamakkiisumik akileraartartussaataasimassapput aamma
- 4) akiliisitsilluni aallaaniarnermik ingerlataqartut nunap immikkoortuani aqutsiveqarfiusumi piniarnermut aallaaniarnermullu atortunik pisariaqartunik pigisaqassapput, tassani ilaallutik angallat, qamut motorilik aammalu unnuiffiusinnaasut."

2. § 1, nr. 2-mi, § 10, nr. 1 imatut oqaasertalerneqassaaq:

"1) §§-it 7-9-mit aamma § 16 a, nr. 1-3-mit, inuk pineqartoq piffissani taaneqartuni ilinniarnermik assigisaannilluunniit peqquteqartumik Kalaallit Nunaata avataaniikkallarsimappat imaluunniit qinnuteqartup Kalaallit Nunaannut attuumassuteqarnera naammaginartutut nalilerneqarpat,"

Allannguutissatut siunnersuummut nassuiaatit

Nassuiaatit nalinginnaasut

Inatsisartut 2024-mi upernaakkut ataatsimiinneranni Piniarneq aallaaniarnerlu pillugit Inatsisartut inatsisissaata allanngortinneqarnissaanut siunnersuut 2024-mi ukiakkut ataatsimiinnermi ulloq 15. oktober 2024-mi siullermeerlugu suliarineqarpoq. Siunnersuut Aalisarnermut, Piniarnermut Nunalerinermullu ataatsimiititaliami suliaassanngorlugu innersuunneqarnikuuvoq.

Siullermeerinninnermi Kalaallit Nunaanni akiliisitsillutik aallaaniartitsisartut piniarnermi aallaaniarnermilu atortunik pisariaqartunik peqartarnissaat oqaluuserineqarpoq. Isummersuutit taakku Naalackersuisut isumaqatigaat, siullermeernerullu nalaani eqqartorneqartut aallaavigalugit siunnersuutip aappassaaneerineqarnissaanut allannguutissatut siunnersuummik suliaqarput.

Siunnersuummi aalajangersakkanut ataasiakkaanut nassuiaatit

Nr. 1-imut

Aalajangersakkamut nr. 4-mik nutaamik ilanngussisoqarpoq. Aqutsiveqarfimmi akiliisitsilluni aallaaniartitsisarnissamik kissaateqartunut inunnut, pineqartup pisinnaatitaanissamik akuersissutinillu qinnuteqarfigisaani, aqutsiveqarfimmi tassani piniarnermut aallaaniarnermullu atortunik pisariaqartunik peqarnissaat aalajangersakkatigut piunasaqaataalerpoq. Tassa imaappoq, sumiiffik pineqartup akiliisitsilluni aallaaniarnermik inuussutissarsiorfigisassaani.

"Piniarnermut aallaaniarnermullu atortut pisariaqartut" suunersut suliamiit suliamut nalilersorneqartassapput uumasullu suut pineqarnersut apeqqutaassallutik. Aallaavittut isigalugu, piniarnermut aallaaniarnermullu atortunik pisariaqartunut ilaapput atortut, uumasunik aalajangersimasunik pisaqarnissaq toqutsinissarlu siunertaralugu piniarnermi aallaaniarnermilu atorineqartussat, aallaat assersuutigalugu ilanngullugu, soorlu takornariartoq pisisseq qarsullu atorlugit umimmammik ikiliippat, kingornalu aallaat atorlugu umimmak toqunneqassappat. Aamma oqaatigineqassaaq piniutit pisariaqartut tassaasinnaammata angallat kiisalu sillimaniarnermut atortut, ATV-mik imaluunniit qamuterallammik piginnittuuneq, uumasunut aalajangersimasunut akuersissuteqarneq apeqqutaatillugu. Taassuma saniatigut atortut pisariaqartitat ilagisinnaavaat illuaraq imaluunniit tupeq unnuiffigissallugu avatangiisinut sumiiffimmi naleqquttoq.

Nr. 2-imut

Allassimasuni iluarsiinerit kingunerisaannik § 16 a-mut inersuussuteqarneq iluarsiivigineqarpoq.